

## ANUNCIO

ANUNCIO DE NOMEAMENTO DE MANUEL LÓPEZ ALONSO, FUNCIONARIO INTERINO, ENXEÑEIRO DE CAMIÑOS, CANLES E PORTOS PARA O DEPARTAMENTO DE URBANISMO DO CONCELLO DE FENE, POR MELLORA DE EMPREGO  
EXPEDIENTE: 2022/G003/001039

Faise público que o 15.07.2022 ditouse a Resolución da Alcaldía núm. 1023/2022, cuxa parte dispositiva di:

**“PRIMEIRO.-** Nomear a Manuel López Alonso como funcionario interino por mellora de emprego, para desempeñar temporalmente unha praza do grupo: A, subgrupo: A1, escala: administración especial, subescala: técnica superior, denominación: Enxeñeiro/a de Camiños, Canles e Portos, para a cobertura dunha praza vacante, en substitución de Inés Mera Rico, durante a súa situación de IT e posteriores permisos por maternidade, lactación e demais continxencias derivadas e ata a reincorporación desta ao seu posto de traballo, sen prexuízo de que con carácter previo se poida producir calquera causa de cese para o persoal funcionario interino prevista nos artigos 24 da LEPG e 10 do TREBEP.

**SEGUNDO.-** Requirir a Manuel López Alonso para que proceda a tomar posesión á maior brevidade posible debendo achegar, con carácter previo, a seguinte documentación: declaración responsable na que fará constar e manifestará (sen prexuízo da responsabilidade na que, no seu caso, e por falsidade na dita declaración, puidese incurrir):

- Aceptación expresa do nomeamento.
- Seguir reunindo todos e cada un dos requisitos esixidos, e acreditados, no momento de terse presentado ao proceso selectivo.
- Non estar separada ou separado mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para emprego ou cargo público por resolución xudicial, cando se trate de acceder ao corpo ou escala de funcionarios/as do que a persoa tivera sido separada ou inhabilitada.
- Non estar incurso/a en causa algunha de incapacidade nin de incompatibilidade, de conformidade coa normativa aplicable, que imposibilite a ocupación e desempeño do posto.

Exímesele da presentación de certificado médico en impreso oficial do Colexio de Médicos e asinado por un colexiado en exercicio no que conste expresamente que ten a capacidade funcional necesaria para o desempeño das tarefas de enxeñeiro municipal, segundo o caso; número de afiliación á Seguridade Social e acreditación documental da conta bancaria na que se farían os seus ingresos nominais, por constar acreditados os ditos extremos para esta Administración.

No caso de que no prazo sinalado non cumpra coa presentación da referida documentación (ou desta se deducise que non reúne os requisitos esixidos) ou ben non proceda na data sinalada á incorporación/toma de posesión, entenderase que renuncia/desiste dos seus dereitos inherentes, de tal xeito que non se procederá á súa efectiva incorporación e a Alcaldía propondrá e resolverá a incorporación do/a aspirante que ocupe a seguinte posición ordinal na bolsa; e ademais, agás que poida acreditar, documental e fidedignamente, causas/razóns de forza maior que xustifiquen o dito incumprimento, pasará a ocupar o último lugar da bolsa. Así mesmo, pasará a ocupar o dito último lugar da bolsa, no caso de que proceda a renunciar ou desistir expresamente do posto de traballo unha vez aceptado expresamente o nomeamento e antes de proceder á toma de posesión.

**TERCEIRO.-** Notificarlle a presente resolución a Manuel López Alonso coa indicación de que a mesma pon fin á vía administrativa e poderá interpoñerse potestativamente o RECURSO DE REPOSICIÓN ante o mesmo órgano que a ditou no prazo dun mes, significándolle que se interpón o recurso de reposición non poderá interpoñer o recurso contencioso-administrativo ata que sexa resolto expresamente ou se teña producido a desestimación por silencio administrativo do recurso de reposición interposto.

Transcorrido un mes dende a interposición do recurso potestativo de reposición sen que se lle teña notificado resolución expresa, entenderase desestimado por silencio administrativo e quedará expedita a vía contencioso-administrativa, podendo interpoñerse o recurso contencioso-administrativo ante o Xulgado Contencioso-administrativo de Ferrol, no prazo de dous meses,



contados desde o día seguinte ao da notificación da resolución expresa do recurso de reposición, ou no prazo de seis meses, contados desde o día seguinte ao de aquel no que se teña producido a desestimación por silencio administrativo do recurso de reposición interposto.

Non obstante, poderase impugnar directamente a resolución ante a orde xurisdiccional contencioso-administrativa (artigo 123.1 da Lei 39/2015). A tal efecto, poderase interpoñer RECURSO CONTENCIOSO-ADMINISTRATIVO, no prazo de dous meses, ante o Xulgado Contencioso-Administrativo de Ferrol, sen prexuízo de que se poida exercer calquera outro recurso que se estime pertinente.

Na súa relación con esta administración pública deberá ter en conta o previsto no artigo 14 da Lei 39/2015, do 1 de outubro, do procedemento administrativo común das administracións públicas respecto da obrigatoriedade para determinados suxeitos de relacionarse a través de medios electrónicos para a realización de calquera trámite dun procedemento administrativo.

En Fene, asinado dixitalmente na data que figura na marxe polo Sr. alcalde Juventino José Trigo Rey, do que eu, Lara Otero Díaz, como secretaria accidental, dou fe.”

En Fene, asinado dixitalmente polo alcalde Juventino José Trigo Rey.

0-0  
096  
150  
P-  
F:  
C.I.